

Су қорын пайдалану және қорғау саласындағы тәуекел дәрежесін бағалаудың критерийлерін және су қорын пайдалану және су алуды немесе жер үстіндегі ағын суды реттеумен байланысты қызметті жүзеге асыратын субъектілерге арналған тексеру парағының нысанын бекіту туралы

Күшін жойған

Қазақстан Республикасы Ауыл шаруашылығы министрінің м.а. 2010 жылғы 18 ақпандағы N 100 және Қазақстан Республикасы Экономика және бюджеттік жоспарлау министрінің 2010 жылғы 25 ақпандағы N 102 Бірлескен бұйрығы. Қазақстан Республикасы Әділет министрлігінде 2010 жылғы 5 наурызда Нормативтік құқықтық кесімдерді мемлекеттік тіркеудің тізіліміне N 6109 болып енгізілді. Күші жойылды - Қазақстан Республикасы Ауыл шаруашылығы министрінің 2011 жылғы 13 сәуірдегі № 24-03/184 және Қазақстан Республикасы Экономикалық даму және сауда министрінің 2011 жылғы 25 сәуірдегі N 111 Бірлескен бұйрығымен.

Күші жойылды - ҚР Ауыл шаруашылығы министрінің 2011.04.13 № 24-03/184 және ҚР Экономикалық даму және сауда министрінің 2011.04.25 N 111 (ресми жарияланған күннен кейін он күнтізбелік күн өткен соң қолданысқа енгізіледі) Бірлескен бұйрығымен.

Қазақстан Республикасының «Жеке кәсіпкерлік туралы» Заңының 38-бабының 2-тармағына сәйкес, **БҰЙЫРАМЫЗ:**

1 . М ы н а л а р :

1) осы бұйрықтың 1-қосымшасына сәйкес су қорын пайдалану және қорғау саласындағы тәуекел дәрежесін бағалаудың критерийлері;

2) осы бұйрықтың 2-қосымшасына сәйкес су қорын пайдалану және су алуды немесе жер үстіндегі ағын суды реттеумен байланысты қызметті жүзеге асыратын субъектілерге арналған тексеру парағының нысаны бекітілсін.

2. Қазақстан Республикасы Ауыл шаруашылығы министрлігінің Су ресурстары комитеті (Орман А.О.):

1) осы бұйрықтың Қазақстан Республикасы Әділет министрлігінде мемлекеттік тіркеуге алынуын қамтамасыз етсін;

2) осы бұйрықтың мемлекеттік тіркеуге алынғаннан кейін ресми жариялануын қамтамасыз етсін;

3) осы бұйрықтың Қазақстан Республикасы Ауыл шаруашылығы министрлігінің интернет-ресурсында орналастырлуын қамтамасыз етсін.

3. Осы бұйрықтың орындалуын бақылау Қазақстан Республикасы Ауыл

шаруашылығы вице-министрі М.Ә. Оразаевқа жүктелсін.

4. Осы бұйрық Қазақстан Республикасы Әділет министрлігінде мемлекеттік тіркеуге алынған күннен бастап күшіне енеді және бірінші ресми жарияланған күннен кейін он күнтізбелік күн өткен соң қолданысқа енгізіледі.

Қазақстан Республикасы

Ауыл шаруашылығы

министрінің м.а.

Е. Аман

Қазақстан Республикасы

Экономика және бюджеттік

жоспарлау министрі

Б. Сұлтанов

Қазақстан Республикасы

Ауыл шаруашылығы министрінің

міндетін атқарушының

2010 жылғы 18 ақпандағы № 100

және Қазақстан Республикасы

Экономика және бюджеттік

жоспарлау министрінің

2010 жылғы 25 ақпандағы № 102

бірлескен бұйрығына 1-қосымша

Су қорын пайдалану және қорғау саласындағы тәуекел дәрежесін бағалау критерийлері

1. Осы су қорын пайдалану және қорғау саласындағы тәуекел дәрежесін бағалаудың критерийлері (әрі қарай - Критерийлер) Қазақстан Республикасының Су кодексіне және Қазақстан Республикасының «Жеке кәсіпкерлік туралы» Заңына сәйкес, бассейндік су шаруашылығы басқармаларымен су объектілерінен су алуға байланысты қызметтерді жүзеге асыратын бастапқы су пайдаланушыларды тәуекел дәрежелеріне жатқызу үшін дайындалды.

2. Осы Критерийлерде келесі ұғымдар пайдаланылады:

1) су қорын пайдалану және қорғау саласындағы тәуекел – халықтың экономика салаларының сумен қамтамасыз етілуінің азаюы, қоршаған ортаға келтіретін зиянның, салаларының, су объектілерінің ластануының, қоқымдануының және сарқылуының пайда болуы, бөлінген лимиттерге сәйкес су ресурстарын алуға арналған су пайдаланушылардың құқығының бұзылуының және су пайдаланушылардың қызметінің нәтижесінде келтірілетін зиянның **ы қ т и м а л д ы ғ ы** ;

2) бақылау субъекті – өз мұқтаждарын қанағаттандыру немесе оны қайталама су пайдаланушыларға жеткізу үшін тікелей су объектілерінен су алуды жүзеге асыратын, сонымен қатар, шаруашылықтың әртүрлі салаларын сумен

қамтамасыз ету үшін тежеуіш гидротехникалық құрылыстардың көмегімен жер үстіндегі ағын суды реттеу жөніндегі қызметтерді жүзеге асыратын жеке және заңды тұлғалар (бастапқы су пайдаланушылар).

3. Бақылау субъектілерін тәуекел салдарының дәрежелеріне жатқызу бастапқы кезеңде – объективтік критерийлер және келесі жатқызуларда – субъективтік критерийлер негізінде жүргізіледі.

4. Бастапқы жатқызу кезінде, барлық бақылау субъектілері, су объектілерінің стратегиялық маңызына және су алу көлеміне байланысты тәуекелдің үш дәрежесіне жіктеледі:

жоғары дәрежеге - ерекше стратегиялық маңызды су шаруашылығы құрылыстарының тізіміне жатқызылған объектілерді пайдаланатын бақылау субъектілері жатады;

орта дәрежеге - тәулігіне 5 мың текше метрден жоғары су алуды жүзеге асыратын, 10 миллион текше метрден жоғары көлемдегі су қоймаларын пайдаланатын бақылау субъектілері жатады;

төмен дәрежеге - тәулігіне 5 мың текше метрден аспайтын су алуды жүзеге асыратын, 10 миллион текше метрден аспайтын көлемдегі су қоймаларын пайдаланатын бақылау субъектілері жатады.

5. Осы Критерийлердің 4-тармағының екінші абзацында келтірілген бақылау субъектілері сумен қамтамасыз етудің өзекті стратегиялық желілері ретінде кейін, келесі жатқызуларда бұдан төмен тәуекел дәрежелеріне ауыстырылмайды.

6. Келесі жатқызуларда, тәуекел дәрежесін бағалаудың критерийлеріне (1 және 2-қосымшалар) сәйкес, жиналған балдарға байланысты, бақылау субъектілері келесідей жіктеледі:

жоғары тәуекел дәрежесіне - 45 және одан жоғары бал жинаған бақылау субъектілері жатқызылады;

орта тәуекел дәрежесіне - 30-дан бастап 45-ке дейін бал жинаған бақылау субъектілері жатқызылады;

төмен тәуекел дәрежесіне - 30-дан аз бал жинаған бақылау субъектілері жатқызылады.

7. Бір тәуекелдік деңгейдегі бақылау субъектілерін тексеруді басымды жоспарлау үшін мыналар негіз болады:
су қоймасының ең жоғарғы көлемі;
су алудың ең жоғарғы көлемі;

гидравликалық, гидроаккумуляциялық және жылу электрстанцияларының гидротехникалық құрылыстарының ең жоғарғы күші;

мелиорация жүйелері қызмет көрсететін суғару және құрғатудың ең үлкен алаңы.

Су қорын пайдалану және қорғау саласындағы тәуекел дәрежесін бағалаудың критерийлеріне 1-қосымша

Тәуекел дәрежесін бағалаудың критерийлері

Бұзушылық түрлері	Бұзушылық деңгейі	Балы
су объектілерін өз бетінше басып алу, өз бетінше су пайдалану, су пайдалану құқығын қайта табыстау	Өрескел	40
лимиттерді бұзып су алу, гидротехникалық жұмыстарды өз бетінше жүргізу		40
су объектілерінен өндірілген немесе бөлінген жер асты және жер үсті суларын қырсыздықпен пайдалану		40
өзендердің және басқа да су айдындарының жай-күйіне әсер ететін ғимараттарды, құрылыстарды және басқа да объектілерді өз бетінше салу		35
өз бетінше су ұңғымасын бұрғылау және жер асты суларының су тарту тоғандарын салу		30
сулардың және оларды пайдаланудың бастапқы есебін жүргізу ережесінің бұзылуы	Маңызды	25
жер үсті және жер асты суларының, ауыз сумен жабдықтау көздерінің ластануы, қоқыстануы және сарқылуы		20
су жиналымдарында олардың ластануын, топырақтың су эрозиясын және басқа да зиянды құбылыстарды туғызатын су қорғау режимінің бұзылуы		20
судың ластануын және қоқыстануын немесе олардың зиянды әсерін болғызбайтын құрылыстары мен қондырғылары жоқ кәсіпорындарды, коммуналдық және басқа да объектілерді пайдалануға беру		15
судың ластануынан, қоқыстануынан және сарқылуынан қорғауды, сондай-ақ су режимінің жай-күйін жақсартуды қамтамасыз ететін гидротехникалық, технологиялық, орман-мелиорациялық, санитарлық және басқа да іс-шаралардың жүргізілмеуі		15
сулардың және оларды пайдаланудың бастапқы есебін жүргізу ережесінің бұзылуы	маңызды төмен	10
сулардың және оларды пайдаланудың бастапқы есебін жүргізу ережесінің бұзылуы		5
мемлекеттік су кадастрының есебі мен есептілігі деректерін, су ресурстарын кешенді пайдалану мен қорғау схемаларын бұрмалау		5
су ресурстарын оларды кешенді пайдалану, экология мен су бөлу мүдделерінде реттеуге кедергі жасау		5

Су қорын пайдалану және қорғау саласындағы тәуекел дәрежесін бағалаудың критерийлеріне 2-қосымша

Тәуекел дәрежесін бағалаудың критерийлері

№	Параметрлердің атауы	Балдар
1	Анықталған бұзушылықтардың дәрежесі және саны	Анықталған бұзушылықтардың негізінде есептеледі

7	Су шаруашылығы құрылыстарының су тарту, су жіберу мен сарқынды және коллекторлық суларды ағызу құрылыстарын өлшеу құралдарымен және су өлшеу аспаптарымен жабдықталған			
8	Су қорғау іс-шараларын жүзеге асырылуда			
9	Арнайы су пайдалануға рұқсатта белгіленген су пайдалану шарттарын, сондай-ақ бақылаушы органдардың нұсқамаларын белгіленген мерзімде толық көлемінде орындалуда			
10	Белгіленген нормативтерден асатын зиянды заттардың ағызылуына жол берілмеген			
11	Су объектісін пайдалану туралы анық және толық ақпаратты мемлекеттік органдарға уақтылы ұсынылады			
12	Су үнемдеуші технологияларды, суарудың озық техникасын, сумен жабдықтаудың айналымдық және қайталама жүйелерін енгізуге шаралар қолданылған			
13	Жер үсті және жер асты суларынан су жинау алаңының ластануына жол берілмеген			
14	Су объектілерінің су қорғау аймақтарының аумағында шаруашылық және өзге де қызметтің белгіленген режимінің сақталуы қамтамасыз етілген			
15	Су қорын пайдалану және қорғау саласындағы уәкілетті органның және жер қойнауын зерделеу мен пайдалану жөніндегі уәкілетті органның тиісті негіздемесі мен шешімінсіз ауыз су сапасындағы суды өндірістік және басқа мұқтаждарға пайдалануға жол берілмеген			
16	Су объектілері мен су шаруашылығы құрылыстарында өнеркәсіп қауіпсіздігінің талаптары сақталған			
17	Су объектілері мен су шаруашылығы құрылыстарында жеке тұлғалардың қауіпсіздігін қамтамасыз етілген			
18	Барлық авариялық жағдайлар мен су пайдаланудың технологиялық режимінің бұзылуы туралы төтенше жағдайлар саласындағы уәкілетті органның аумақтық органдарына және облыстың (республикалық маңызы бар қаланың, астананың) жергілікті атқарушы органдарына дереу хабарланады			
19	Су объектілеріне зиян келтірілуін болғызбау жөнінде шаралар қолданылған			
20	Су пайдаланғаны үшін төлемдердің уақтылы төленуі жүзеге асырылуда			
21	Қазақстан Республикасының Экологиялық кодексіне сәйкес Қоршаған ортаға эмиссияларды жүзеге асыру кезінде экологиялық рұқсат алынған			
22	Су шаруашылығы жүйелері мен құрылыстарының тиісті техникалық жай-күйін, сондай-ақ олардың қауіпсіздігін қамтамасыз етілген			
23	Шартқа сәйкес су пайдаланушылар белгіленген мерзімде сумен қамтамасыз етілген			
24	Су пайдаланушылармен келісім бойынша су бөлетін орындарда су өлшеу аспаптары орнатылған			
25	Су объектілерінің ластануын, қоқыстануын және сарқылуын, судың зиянды әсерін болғызбайтын шаралар қолданылған			
26	Гидромелиорациялық жүйенің, су шаруашылығы құрылысының паспорты бар			
27	Жеке және заңды тұлғалардың балансындағы гидрогеологиялық ұңғымалар, соның ішінде өздігінен төгілетін және барлау ұңғымалары, сондай-ақ пайдалануға жарамсыз немесе пайдаланылуы тоқтатылған ұңғымалар консервациялау құрылғыларымен жабдықталған немесе жойылған			

28	Бұрғылау және басқа да кен жұмыстарын жүргізу кезінде жеке және заңды тұлғалар суы бар жиектерді ашса, олар өздігінен төгілетін және барлау ұңғымаларын реттеуші құрылғылармен және бақылау құралдарымен жабдықталған			
29	Жер асты суларының су алу құрылыстарын пайдаланатын жеке және заңды тұлғалар жер асты суларының санитарлық қорғау аймағы мен олардың мониторингі ұйымдастырылған			
30	Су объектілерінің су қорғау белдеулеріндегі жер учаскелерінде жеке және заңды тұлғалармен шаруашылық қызмет режиміне қойылатын талаптар сақталған			

Инспекцияның лауазымды тұлғалары:

_____ (лауазымы) _____ (қолы) _____ (Аты-жөні)

_____ (лауазымы) _____ (қолы) _____ (Аты-жөні)

Мемлекеттік бақылау субъектісінің жетекшісі, жеке кәсіпкер:

_____ (Аты-жөні, лауазымы) _____ (қолы)